



Plata dla Ploania Antermëia Sant'Antone Abat

UNITÉ PASTORALA



VAL BADIA

www.unitepastorala.org

Ploian: siur Paul Campej
E-mail: campei.paul@rolmail.net

Calonia: 0474/520012
Siur Paul: 380 7345533

Ann B 16.09.2018 - 23.09.2018 - 24. domënia ia por l'ann

n. 42

Fede che porta a jí do a Gejú

📖 Is 50, 5–9 | Iaco 2, 14–18 | Mc 8, 27–35

Dal Vangele do San Merch:

Te chël tēmp ²⁷é Gejú jú cun sü discepui ti paîsc dlungia Zesarea de Filipus. Sön tru àl damanè i discepui: Chê dij pa la jënt che iö sun? ²⁸Ai ti à dit: Valgügn Jan Batista, d'atri Elia, indô d'atri n ater di profec. ²⁹Dailò i àl damanè: Os indere, chê dijëise pa os che iö sun? Scimun Pire ti à respognü: Tö es le Messia! ³⁰Mo èl ti à proibì de baié cun zacai porsura èl. ³¹Spo àl metü man da i istruì che le Fi dl Om mëssarà patì tröp y gnarà refodè dai plü vedli, dai gragn proi y dai studià dla lege; al gnarà copè, mo do da trèi dis resoriaral. ³²Y al baiâ davert daldöt de chësc. Dailò l'à Pire tut da na pert y à metü man da le bruntorè. ³³Gejú s'à ôt y ti à ciarè ados a sü discepui y à amonì Pire cun les parores: Vàtun demez da mè, sàtann! Deache tö ne n'as nia imënt cí che Dî ô, mo cí che la jënt ô. ³⁴Al à cherdè adalerch la meja de jënt y i discepui y à dit: Chël che ô me gnì do, chël s'un desdijes de sè instès toles süa crusc sön èl y me vègnes do. ³⁵Deache chël, che ô salvè süa vita, la pordarà; mo chël, che pordarà süa vita por mia gauja y por gauja dl vagnele, la salvarà.

Atlamaziun


DLA DOMÈNIA



*Mâ tla crusc de nosc Signur
Gejú Crist ôi chirì mia onù,
tres chera che le monn è gnü
metü söla crusc por mè y iu
por le monn. Alleluia.*

📖 Letöres dla 25. domënia ia por l'ann:
Sap 2, 1a.12.17–20 | Iaco 3, 16–4, 3 | Mc 9, 30–37

Edema liturgica dai 16.09. ai 23.09.2018

2018	Ora	Mëssa
24ª DOMENIA 16.09 <i>oferta por la dlijia</i> <i>(festa de aniversar</i> <i>50 agn capela Tintal)</i>	9.30 10.00	Corona Gran Messa por la comunité ++ P. Merch y sr. Johanna Bosco Ferdigg aniv. + Carlo Rubatscher aniv. + Linda Sottrovisch
LÖNESC 17.09 <i>s. Hildegard da Bingen</i>	7.25	Corona
MERTESC 18.09 <i>s. Lambert</i>		
MERCUI 19.09	7.25	Corona
JÖBIA 20.09		
VENDRES 21.09 <i>s. Matteo, apost., vang.</i>	7.25	s. Messa aniv. + Maria Irsara
SABEDA 22.09	18.30	s. Messa prefestia ++ fam- Rudi Kircher ++ Pire y Angela Pedevilla
25ª DOMENIA 23.09 <i>oferta por la dlijia</i>	9.30 10.00	Corona Gran Messa por la comunité famil. Kircher, Mozl aniv. + Katharina Flenger ++ Anna y Sepl Chizzali

Informaziuns y terminns

Da lönesc a jöbia sunsi demez.

siur Paul

NB: Pelegrinaje al santuar Lavant tl Osttirol, organisé dala Lisl Rubatscher, Antermeia. Al é la sabeda ai 29 de setëmber. Ncër les 11 la s. Mëssa. Dedô marena dailó dlungia. Val plü avisa aldiareise ciamò. Düc é invià! tel. 0474/520013

JÍ POR SANC A OIES - Pelegrinaje dla jënt ladina, ai 29 de setëmber 2018

La Union Generela di Ladins dla Dolomites invieia dōta la jënt ladina a tó pert al pelegrinaje.

PROGRAM - 14:30 Incuntada de düc i pelegrins ladins te dlijia de S. Linert de Badia
15:00 Via crucis: an pëia ia da dlijia demez perian dal codejel "Na orazion sun l iade", cina al Santuar de Sant Ojöp da Oies
16:00 Santa Mëssa ladina zelebada da siur degan Iaco Willeit y conzelebada dal degan de Ampez siur Ivano Brambilla - al cianta: Schola Cantorum d'Ampez

17:00 Pice renfrësch por düc i pelegrins (UGLD y Uniuns di Ladins dles valades). Informaziuns plü menüdes al numer de telefonn 349/2150164 o 333/7891347.

FESTA DLA SEGRA DA SAN MARTIN: La Uniun dla Musiga DA San Martin Ves aoda a düc na buna Segra y Ves inviëia a to pert y fa conferta sön plaza dl paiun. Al è poscibilité bele danmisdè da ciafè liagnes blances y da marëna; dales 11:00 inant éle concert dla Oalinga Feirschtamusik; dales 15:00 él n bel concert dla Musiga da Urtijëi y da sëra dales 17:30 inant musiga da bal cun Oswald. I crafuns da segra ne falara nianca! Gnide a se ciafè!!

Le **Sorvisc ai Jogn Val Badia** adöm ala Ciasa dal Parch Natural Fanes-Sennes-Braies enviëia a **na jita acompagnada al Ander de Conturines**, por düc i residënc dla Val Badia, en sabeda, ai 22 de setëmber 2018. Al é ca. 7 ores da jí cun 1.200 m de deslivel. Punt d'incuntada: 8:30 ala Capanna Alpina a S. Ciascian. Iscriziun: te Sorvisc ai Jogn Val Badia (0474-523070) anter la jöbia, ai 20.9.18. Cost: debann.

COMUN: Al vëgn chirì un o dui **vardiënc "nonni vigili"** por le sorvisc de control pro i attraversamënc pedonai dan la scora tl zënter da San Martin por n'ora al de (na mesora da doman dales 7.20-7.50 y na mesora da misdé dales 14.05- 14.35). Interessá dess s'anunzié tl secretariat de comun cina ai 21 de setëmber.



In dem gekreuzigten Christus liegt die wahre Theologie und Erkenntnis Gottes. Darum, wer Christus nicht kennt, kennt auch den im Leiden verborgenen Gott nicht. Man kann Gott nur finden in Leiden und Kreuz.

Martin Luther

I po davagné ince sc'i perdi. I po sluminé ince sc'i patësci. I po ressorí ince sc'i möri. Gejú á vit chësc. Y insciö sarára sc'i feji mies opres te so inom.

Mësses a Rina:	Dom 9.30 (Tintal)	Sab 19.30	Dom 8.30	
Mësses a San Martin:	Dom 9.30	Jöb 7.30	Sab 18.30	Dom 9.30

	17.09 - 22.09.2018	Alexia - Maximilian
	23.09.2018	Emily - Alissa - Maria - Nicol
	22.09.2018	Verena Winkler
	23.09.2018	Matthias Piazza
	<p>Les mius aodanzas por le compliagn ti fajunse a Aiarei Pezzei Rosalia (88) y Dejaco Maria (79). Döt le bun.</p>	